

西北稀見方誌文獻

第六十一卷

中國西北文獻叢書



中國西北文獻叢書·第一輯

西北稀見方誌文獻

第六十一卷

西北
一九九零年
十月
中國·蘭州

目錄

新疆鄉土志稿二十九種

三

鎮西廳鄉土志

三五五

和闐鄉土志

四二五

葉城縣鄉土志

四四三

新平縣鄉土志

四五九

新疆鄉土志藁二十九種

新疆鄉土志稿二十九種目錄

第一冊

一、伊犁府鄉土志 清 許國楨

二、焉耆府鄉土志

三、溫宿府鄉土志

四、疏勒府鄉土志

五、莎車府鄉土志

第二冊

六、昌吉縣呼圖壁鄉土志

七、阜康縣鄉土志

八、孚遠縣鄉土志

九、鄯善縣鄉土志

一〇、寧遠縣鄉土志

一一、綏定縣鄉土志

一二、精河廳鄉土志

一三、哈密直隸廳鄉土志

第三冊

清	許國楨
清	蔣光陸
清	甘曜湘
清	陳光燁
清	李方學
清	蕭然奎
清	曹凌漢
清	劉潤道

一四、嵯莞縣鄉土志圖	清	瑞山
一五、嵯莞縣鄉土志	清	唐光祿
一六、輪台縣鄉土志	清	顧桂芬
一七、和闐直隸州鄉土志	清	謝維興
一八、皮山縣鄉土志		
一九、洛浦縣鄉土志	清	楊丕灼
二〇、伽師縣鄉土志	清	高生嶽
二一、巴楚州鄉土志	清	張璟光
二二、英吉沙爾廳鄉土志	清	張炳元
二三、蒲犁廳鄉土志	清	江文波
第四冊		
二四、溫宿縣鄉土志		
二五、拜城縣鄉土志		
二六、庫車直隸州鄉土志		
二七、沙雅縣鄉土志	清	張紹伯
二八、溫宿分防柯坪鄉土志	清	潘宗岳
二九、烏什直隸廳鄉土志		

署伊犁府知府爲造實事謹將卑府所屬境內形勝四至道里山川城池鄉莊牧地國界並經緯度數寒暑雨量物候以及人事物產等類分別造具詳細清冊呈請

鑒核採擇施行須至清冊者

計開

歷代沿革

按伊犁府在漢初爲烏孫國治赤谷城本西域著名大國也至武帝時通西域用張騫計始與烏孫和親其國王常附漢共擊匈奴宣帝甘露初分其國爲二立大小二昆彌一昆彌卽烏孫國王號也一赤谷城卽大昆彌所治城也漢使常惠常屯其地以鎮撫之成帝元延二年段會宗將戊己校尉及諸國兵誅小昆彌叛者留兵墊婁地遷精三十弩徑至其國擊殺之墊婁蓋地之墊隆處也後漢建初五年復招慰烏孫宋元嘉十六年烏孫王入貢於北魏魏遣使董琬入烏孫迨至隋唐其地爲西突厥兼併改其國名爲石汗那國唐平突厥復置都護府元初征服西域爲阿力麻里元帥府明季盡棄西域設嘉峪關拒險固守其地又爲蒙古瓦剌佔據瓦剌卽衛拉特之訛衛拉特凡四部而綽羅斯部居其首是爲準噶爾至

國朝乾隆二十二年王師進計二十四年平準噶爾定伊犁始於伊犁河北羅

列九城設官置藩斥候靖烽燧邊境民夷相安於無事者百餘年同治五年同匪變亂全疆淪亡伊犁九城相繼失守初爲回逆襲據繼又爲纏回索爾塘奪踞回纏相持兩不能下俄羅斯遂乘便於同治八年派數百兵持快鎗利礮長驅直進一戰而得伊犁全境坐收漁人之利者十有三年光緒初元大兵出關蕩平天山南北各城其時督師西征者爲左文襄公駐節哈密奏陳五路進兵規去伊犁之策格於廷議不行

朝廷復以九百萬盧布合華銀四百五十萬兩由俄人手贖回伊犁九城又許俄人在我天山南北各城陸路通商暫不納稅之利益光緒七年定約交還伊犁各城八年將軍金忠介公始統兵進駐伊犁布置邊防修葺城垣邊局粗定十一年定議新疆建設行省分立郡縣至十四年始議定於伊犁新設道府廳縣各官資治理焉考伊犁二字之義蓋以地近伊犁河故爾

四至道里

按府治綏定城在省西一千五百四十五里距京師一萬一百五十二里東至精河廳屬巴吞地方二百六十里西至俄羅斯邊境一百二十五里南至溫宿府界六百餘里北至賽里木泊北岸地方二百餘里東西距七百五十里南北距八百六十里四面合計六萬四千五百方里

疆域形勝

按府治塔勒奇山雄踞其北汗騰格里山屏藩於南伊犁大河自東而西橫亘中間可通舟楫苟能足食足兵一旦有事逆流而上東可以援應焉順流而下西可以直搗強俄北有果子溝天險則肩背不虞受敵南逾天山冰溫宿庫車各城動搖蓋以其地表帶河山控壓難遠爲省城南北咽喉重鎮乃西域諸城中第一形勝之地也往代烏孫據此以雄長於西域突氏得此以縱橫於王庭唐置都護府而同鵲朝貢元立元帥府而威鎮金天準爾得主此地恃其水草之盛兇其牛馬之性天山南北瀚海東西直至任其行暴掠而無敵豈非得地利之形勝哉逮

國朝乾隆間平定西域入我版圖

高宗純皇帝廟謨宏遠遣官置戍扼要設防特設定邊右副將軍一員駐紮伊犁統天山南北兩路軍務節制烏魯木齊都統及各城參贊辦事領人臣亦以此地雄據全疆上游居高臨下勢若建瓴故屯駐重兵以資控制且置大學士尙書錫綏侯崇德才足將相之魁臣碩輔爲將軍令其坐鎮而專寄以闔外之重也道光咸豐間南疆偶不靖羽書朝至而伊犁大兵一發一塵冰燄則電擊風行戈旄到處勢等破竹不迎刃而解立平大亂此又往事之昭昭可鑒者也

城池地志

按府治全境轄城九領縣二曰綏定（地名蒙古語爲烏哈爾里克卽府治城）曰惠遠（舊城在伊盟河北岸兵燹後爲河水冲潰半傾驚濤巨浪中光緒十五年復於舊城之北十五里築建新城將軍暨副都統領隊大臣並新舊滿營官兵移駐府城東南二十里）曰廣仁（地名烏克博爾博羅素克在城西北六十里）曰勝德（地名察罕烏蘇在城西北四十里）曰拱宸（地名霍爾果斯在城西九十里）曰塔勒奇（在城西南十里）曰惠寧（地名巴彥堡在城東南七十里）曰熙春（地名哈拉布拉克俗呼城盤子在城東南八十里）曰算遠（地名固爾札又名金頂寺在城東南九十里）此外村莊圍場二十七處分歸綏寧兩縣管運府無自治之地專司督飭表率勸吏而已

天文類

經緯度數

經度自四十三度至四十五度

緯度自八十度至八十四度

寒暑度數

暑度（按攝氏寒暑表極熱點九十三度半）

寒度（按攝氏寒暑表最寒點零度以下十六度）

雨量

按伊犁雨量每年夏秋兩季少雨潤地深不過四五寸冬春兩季多雪積地一尺至二三尺每年收成豐歉全賴積雪深淺春融雪化各河水發官屯民戶修堤挑渠引水灌田間有一二處用泉水溉地者

物候

按府治靠山臨河氣候較暖於山北一帶地方酌中定時約於春三月百卉萌芽農人播種二麥夏四月種稻六月收麥八月穫稻至果品成熟遲早各有其時

地理類

山脉

按伊犁與圖載塔勒奇山（即今果子溝一帶大山由賽里木湖爾南岸之松樹頭卡起西至霍爾果斯邊界止綿亘二百餘里山陽豐草平林清溪漾帶向爲官牧場西通現分俄界大道南出山溝通府屬河北九城爲此地主山後路咽喉要隘）

格登山（在府城東南即今額魯特上三旗游牧地方中俄分界新立第七號牌博處乾隆二十四年平定準噶爾其時

高祖純皇帝聖製平定準部碑銘勒於此山之巖一哈升達坂（達坂卽山坡路也）卽今額魯特上三旗游牧地方中俄分界第十號牌博處一索果爾達坂（卽今索果爾軍台之南二十餘里）沙拉諾海達坂（卽今哈升達坂之東距府城東南一百三十餘里）阿唐山（在特克斯川北岸距府城東南二百三十餘里）額琳哈畢爾山（在府城東南三百三十餘里山陽爲耶里格地方山北爲冲吉村莊在寧遠縣屬境內）阿布拉爾山（在府城東南一百九十餘里土人俗呼爲獨山子）博羅布爾噶蘇山卽博羅霍洛嶺（在府城東一百九十餘里與精河應屬登努斯台連界）哈什山（在府城正東二百餘里此山周圍數百里皆產銀）那魯特達坂（在府城東南六百餘里爲額魯特下五旗游牧草場）

川流

一伊犁河折新源水逕伊寧河有二源西南源爲特克斯河東源爲寧遠縣屬喀斯河二河合流是爲伊犁河（折而西流一百五十里）經雅瑪圖（西北流二百一十里）經舊惠達城（西南流一百二十里）經河源卡南頭湖卡流入俄境（西流一千二百四十餘里）入巴爾噶什淖爾流長一千七百二十里

一特克斯河亦名帖克斯川發源於俄屬之木薩爾山（東北流三百餘里）

由胡素木圖卡西南入綏定縣境（東北流一百三十里）經霍洛海台南（流九十里）經色綳托海（東北流一百九十里）經木泥克得山（東流三十里）經特克斯塔拉莊（東流四十餘里）經寧遠縣屬額琳哈畢爾山南與崕吉斯河合流是爲伊犁河流長七百八十餘里

一崕吉斯河其源出喀喇沙爾廳屬朱勒都斯地方阿登庫爾雪山（西流百餘里）經那魯特達坂（北流百三十里）由丹布喀什山入寧遠縣境（西流八十里）經那里格南（西流五十里）與特克斯河匯合而西流是爲伊犁河流長三百六十里

一哈什河其源出巴圖蒙柯雪山（西流百八十里）經齊齊爾罕托羅海（西北流百餘里）經額琳哈畢爾山（西流八十里）經哈什舊同城南（曲折西南流七十里）入伊犁大河流長四百三十里

一霍爾果斯河（今中俄分界即此河爲界線）其源出別珍島（南流六十里）經哈爾蘇胡爾卡倫西（南流三十餘里）經尼堪卡倫西（南流百三十里）入伊犁河流長二百二十里

一科河水其源出紅山嘴山（南流四十餘里）分爲二支東曰西阿里瑪圖水（兩水均南流五十里）經索倫營薩泥屯工流長九十里

一大東溝水小西溝水其源均出塔勒奇山（南流八十餘里）伏於山溝

一大西溝水其源出塔勒奇山庫森木什達坂（西南流六十里）三水復合流至一間房分爲二支東曰三道河西曰花祥爾水均（南流四十里）入伊犁大河（流長一百里）

一清水河其源出瞻德城東北南流灌漑屯工餘爲二道河（流五十里）入伊犁河

一果子溝水其源出塔勒奇山新開達坂（西南流百餘里）至山口半引渠灌田半流至廣仁城東伏於戈壁

一烏拉里克水其源出塔勒奇山庫森木什達坂（西南流一百里）經綏定城東關外（南流四十餘里）入伊犁河

一白楊溝水（南流四十里）香房溝水（南流五十里）燒房溝水（南流六十里）其源皆出塔勒奇山新開達坂入烏拉里克水

一沙拉布拉克水其源出塔勒奇山果子溝側達坂（東南流七十里）入烏哈里克水

一東阿里瑪圖水其源出塔勒奇山庫森木什達坂（南流六十里）灌漑旗屯

一柯爾班水與引吉里水其源均出明布拉克山（北流七十餘里）入特克斯河

一大帖列水出提尼冰山（北流六十里）入特里克斯河

一阿吉雅斯水其源出阿克達坂（東北流百餘里）入特克斯河

一察罕烏蘇水（即木薩爾水）其源出沙圖阿曼台冰山（東北流百餘里）入特克斯河

一格登水其源出格登山（南流四十里）伏於戈壁

一瑪納水其源出喀升山（南流七十餘里）經特克斯台寨入特克斯河

一喀三水（即喀升水）其源出喀升山經烏蘭拉克西（南流四十里）入特克斯河

一沙拉諾海水（南流八十里餘）月滿圖水（南流百餘里）小哈爾干圖水（南流百里）大哈爾干圖水（南流百里）其源皆出沙拉諾海山入特克斯河

一巴拜水其源出沙拉諾海山（南流八十里）經霍洛海台伏於戈壁

一大霍洛海水其源出色格三達坂（南流八十里）經霍洛海台東（南流四十里）入特克斯河

一小霍洛海水其源出銅山（南流百餘里）入特克斯河

一合羅海水烏爾水烏圖水其源皆出阿爾台山（均西南流五十餘里）

三水合流入特克斯河